






奚囊靈餘卷之三

五言古詩

西嶽宋侍御同遊



偶從乘驄使登攀  
陟千仞秦城越斷隄  
漢時歷平嶙翠柏儼  
分行紆宇紛前引  
披谷口雲坐沾巖  
頂潤群山漸覺低  
百道飛泉噴信是  
巨靈擘中流亦何  
迅石鼓靜來聞天  
池湛清醞棋坪  
若有人青鳥傳芳  
訊恍惚毛女迎因  
借叔卿進一餐千  
葉英頓失三峯峻  
世網未可辭塵衣  
聊



此振

自華山趨蒲城值雨停車待霽乃發

華嶺雨欲來群峯忽變色突兀平復低蒼翠黯  
然黑近樹影猶歆遠澗鳴漸亟雷駭蛟龍飛風  
驅燕雀匿停車未能發煩囂暫屏息少焉見新  
霽晴光在楹側萬象眼中明爽氣散幽臆回瞻  
仙掌遙前旌颺渭北

浴溫泉

白雲薄青林遙望驪山趾沿澗紫羅深勝槩一

何侈紺殿挂懸崖繡嶺侵雲起池亭接上流湯  
湯漾溫水蓮臺噴雪花瑩然絕塵滓坐石膩於  
膏嗽泉甘若醴洗心滌骸垢澄映徹表裏我行  
愜幽賞誰謂宦遊鄙勿問舊離宮華清久傾圮

關中十首

古渡餘荒塚何年風雨萌曾將天補缺不禁地  
移陵神聖猶如此而人安所能  
夫子關西傑脫迹湖城隈四知心不負三疏禍  
成胎謫言君未悟大鳥空遺哀



魏武爭關日西兵先據秦中流幾沒矢一蹶在  
蒲津當時不自奮鼎足是何人

崔巍重關下猶說姚鸞屯全軍併心力勝筭得  
聲援悲號風雨夜惟有陣亡冤

左丞能料敵趨利不攻堅魏將馳錐壁蕭軍走  
華川祇今馮翊路烽火夜猶然

逶迤涇渭水引入廣通渠疏鑿驅民力舟航利  
國儲河流自清淺無地覓隋墟

黎陽本孤旅鼓譟薄弘農將軍行奮迅郡守計

從容誰信登陴罟真能折虜衝

萬騎出關東稠桑一戰空失律哥舒翰遺謀楊

國忠此時唐天子行幸華清宮

元和多寇盜飛書動京師關津有內應王將詎

能知始信金帛貴頓使人心移

黃巢陷河洛全師屬令殺壯心猶感奮枵腹不

勝疲禁阬一失守國破徒傷悲

八公署對雪

高齋盡日雪稍稍蔽青山遂令蒼莽色眇在混



淪間同雲垂滿地微月忽臨關庭柯墜不折棲  
鳥驚復還撫景豁幽矚杜門謝塵鞅悠然坐清  
曠寒夜開愁顏

秋日關城登眺客有談王官龍門之勝者  
漫賦見意

秦關靄秋霽潼津正奔流北指中條麓想見王  
官丘背郭渺烟渡雲樹蒼蒼浮爲問首陽塚崎  
嶇猶阻脩斷壁挂猿狖激浪騰龍蚪空懷鑿山  
蹟未遂禹門遊邈矣非吾土妻其生遠愁翻然

眷東鷺湖上棹漁舟

酬王廷尉元案

往昔都門別惆悵平生親宰邑臨濰水分符出  
衛濱爲狗五斗祿同是折腰人雲樹眇相失蹉  
跎經幾春葉令子齊名異績騰 楓宸君游豈  
予似亦復免沉淪徵書赴南省授節入西秦彙  
進胡不憚遼邈增苦辛客從東方來胎之雙錦  
鱗烹魚讀尺素眷言何諄諄紅顏俱白髮久要  
寧足論憂心正荼毒秋思到鱸蓴雅志在丘園



荷衣垂角巾申章青雲侶功成歸比鄰

寄和野翁睢州阻雨

東歸匡亳間登涉念脩途周秦猶在望漸近楚  
與吳一夕飄風發陰雲滿四隅驟雨竟三日橫  
潦漲通衢將留廩不繼欲去愁僕夫郵亭坐嘆  
息巡簷鳥雀呼湏臾覩新霽鬱結成歡娛輕車  
已夙駕駑馬爭前驅世事亦如此顯晦同榮枯  
達人自有悟幻迹安得拘

悼亡四首

蒼蒼蔽重陰雷霆何太烈階前瓊樹枝芬芳一  
朝折福鍾信非邇禍倚孰爲孽余愆省莫追爾  
善朗焉滅皇鑒猶遺形悲來五情熱

十載攻詩書文思飛縱橫先達皆歛衽同輩一  
時傾希聖迥不惑芥視世上榮朝聞徒爲耳夕  
死空令名誰云天帝側無人賦樓成

楚璧瑩無瑕隋珠夜光炫墮地寧復完沉淵不  
可見嗟余老無聞屬爾揚聖彥爾猶厭勞生余  
留復何羨終恐歸化時無復生眷戀



回也天喪予伯魚亦先逝自古皆如然才賢不  
永世造化彼何心脩短同歸斃暫拭涕流離聊  
且從禮制不及東門吳怡然無繫繫

冬日西行偶述

海珠初騁望茫茫路已迷三水適西邁雲霧蔽  
端谿入峽忽欲暝旣出聞村雞炎荒無嚴霜芳  
林草萋萋秋虫振羽鳴春禽呼雌啼寒暑有代  
謝此地良不齊戒心南山貌亦警滄溟鯢俯慙  
經世謨祇役空栖栖

贈傅右使近山

八閩信嘉麗到海勢偏雄五華盤蜿蜒三秀迥  
浮空云是飛僊人結室當其中芙蓉散青靄座  
上搖葱龍時沾躡屐露或御振衣風名籍注寶  
籙雅與金閨通俛仰廊廟心寤寐巖壑同餘潤  
宇宙間膏澤垂無窮

贈督府公

澤國東連海遁逃結島夷腥風吹急浪出沒恣  
剽推承平厭戈鋌束手徒傷悲 皇心眷南顧



爰命丈人師上公自神授謨烈風兼資登壇揮  
五兵威聲凜四馳乘秋橫殺氣甲士騰熊羆一  
鼓誅鯨鯢再鼓淨妖魍雲開海門近白日照江  
湄捷書聞鳳闕上賞沐鴻私許國身猶壯  
報恩心靡移勲名載青史俎豆繫民思

初冬江閣觀潮以到江吳地盡隔岸越山  
多分韻余得地山二字

冬入北風生驚濤一河駛危樓倚江干潮信正  
堪伺海門初轟雷白練中天墜恍惚陰山移還  
聞奔萬騎云是忠義魂馮公雪遺憶日夕再來  
還傷心故吳地

我有同心人日夕相娛閒江閣渺竒觀因之一  
登攀雄風壯怒潮隱隱江上山層雲排雪浪噴  
薄穹窿間帆檣互出沒魚鳥驚復還消長不可  
窮聊爾舒心顏

題秋江獨釣圖

幽人遠塵囂浪跡俯寥廓茫茫烟水間虛舟任  
飄泊投餌本無心得魚非所樂長咲秋風生木



葉紛紛落

荆門道中避雨觀音巖下

恒賜正炎鬱一雨忽滂沱征徒促徂兩避止山之阿青林結野館懸崖立嵯峨幽洞趺大士五色上森羅百尺掛螭首噴沫成龍渦更攀雲中臺神怖不得過坼地迸雷電傾天注銀河流沙灑霖霖恠石隨其波我生嗜採討歷覽豈不多偶憇道竒絕欲去仍留歌

與奚憲使學山話舊

在昔附驥日相將皆茂年君直西掖垣我備將作員屈指青雲上致身良易然蹉跎能幾何素標忽乘顛蠶叢萬里國一官同迤邐豈不厭苦辛有懷不得宣正御無十獲力耕逢石田扶搖渺鵬程倦翮慙飛騫飛騫信無期悠哉歸來篇三吳不殊俗五湖雲水連訪我猿鶴廬遲君書畫船初服信自媚寧獨文繡妍尊羨與鱸膾願及秋風前

自江津放船渝州投治平寺



鳴撓下楚溪水駛舟如箭銅鑊乍經過漁洞忽  
不見道上有逢迎遽走渝州椽傾灘但轟雷激  
石陡飄霰丹壁罔疑睇青林祇心戀乘傳入城  
邑小憇空王院悠哉一無營向來何萬變

五丁峽

飛瀑下澄潭磷磷嗽白右清風灑層巖泠泠生  
兩腋靈鳥及幽花附耳忽沾幘蘿篠迷前途雲  
靄蔽後陌流覽乍躊躕凌空陟峯脊曠然小人  
寰恍如生羽翮云是五丁峽信有神工闢樂土

易銷沉巖壑饒仙籍嚴程不可留虛擬脫塵迹

寓兵康國詩

海郡逢多難鯨鯢颺烈風逋逃成部落島嶼出  
鱣鱖千里桑麻地頻年荆棘中給兵徒自贖命  
將之全功誰遣閭閻秀來膺虎豹雄魚龍纔置  
陣尊俎卽臨戎勝筭惟居重先聲足遠攻庶幾  
康泰日歌咏四民同

再入潼關

十載抱關吏塵鞅復嶠函浮湛處其賤籠執亦



身耽朝躋畏嶮嶮夕涉戒濡淹盤桓貴行正往  
訓夙所諳覩懷拂衣思弃繯彌可慙枯萎而雨  
露忍忘天澤覃候鴈隨北風河溜下江南無由  
寄心曲使我兩情含

三月二日東園讌集

青門三月初春光燦如綺楚楚耀路衢聯裾復  
方軌言訪仲長園爰出冠蓋里會心信非遠翳  
然得林水珍禽迭成響竒葩雜紅紫擷芳入尊  
俎茹鮮酒逾旨耽樂共忘疲坐隱忽移晷灑澹

指顧間袞除先上巳

上巳景隆池讌集

上巳信佳辰光風媚林薄緘柳颺絲絲衆芳紛  
灼灼曲水引龍渠舊苑分花萼蘭朋欣盍簪選  
勝諧宿約忘形雜嘲戲有酒任斟酌得句或微  
吟探鈎忽大噓矯志在青雲何心眷丘壑爲言  
厭其肥無如快藜藿

省中會餞雷參伯以別後相思復何益分  
韻余得相字



長安麗春日薇省盛芬芳光風暢和氣燕好同  
樂康臨觴曷不御離思結中腸我友慎明德洵  
美金玉相綢繆曾未幾緬隔參與商眷彼垂白  
人倚閭遙相望歸與釋百憂萊舞娛高堂蔚萱  
適所好叢桂儼成行處豹澤深霧爲鵠摩窮蒼  
揮手謝塵壒勞者何遑遑

折楊柳

垂楊怯風吹飄搖不自持攀贈遠遊人寧誇物  
態竒柔腸同縷縷聊以繫相思倘念凋零易邁

歸藉一枝

日晚署中言懷

春風蕩晴靄遠見南山碧庭樹攬餘暉烟霏日  
將夕散吏步虛曠委蛇暫時適歸鳥駭林端乍  
止復揚翮所志在飛騫卑枝苦逼窄而我執紱樊  
籠何能忘跼蹐

送子與省長入賀萬壽

西曹文會罷緬隔幾春秋世路悲青眼年光咲  
白頭重來陪省署一見解離憂永夜蘭言洽娛



情芳醕酬忘形成莫逆同道得相謀頃奉金閨  
使遙添海屋籌徂東聊書錦直北近宸旒晉  
接鷓鸞並恩私雨露優躋華君已後處賤我何  
尤比德懷貽玖臨風脫佩鈎悠悠歲寒意終以  
結綢繆

飲何中丞荷亭分得夏荷二字

玉井十丈蓮托根從太華歸與謝麒麟執此娛  
耕稼池閣隱城隅南薰扇長夏參差綠葢敷的  
歷紅芳亞著雨溥脂鮮披雲輕教藉良辰侈嘉

會招遊適休暇法因晚涼土舉酸寒漿瀉豈有  
物外心軒稅塵中駕延想西湖曲能忘三畝舍  
映日復接天不聞昔人詫

雨後芳園潤庭陰上綠莎槿籬低粉堞竹逕冒  
清波碧散牽風荇紅凝挹露荷林喧未友鳥池  
狎換書鸞佳麗西都舊人文甲第多遠山分太  
乙曲水入天河詎意談經地能容問字過折花  
慙髮素照酒覺顏醜簿領淹簪紱幽期洽薜蘿  
同遊總陶謝共和采蓮歌



同潘臬諸公登終南普明寺

聞道終南勝時時望碧岑同聲欣我友于野其  
相尋控馬樂遊原樞衣曲江濤渴想天池液乘  
風珠樹林初旭表金輪兩塔銷層陰下方旣空  
曠上界尤崎嶇龍宮信云險虎逕何其深松檜  
偃雲蓋交飛喚珍禽紅葉出綠波竒芬襲塵襟  
俯見城市眇霏煙但浮沉四荒紆壯思清梵豁  
幽忱從茲依福地常持不二心

送孫學使轉官入蜀

渭水東悠悠逝者無時息歡會何可長一別不  
再得君昔下鳳池西京典文墨門墻桃李花芳  
菲徧春色人娛倚玉心自耽稽古力貽我雲錦  
章天葩爛如織雲錦豈不貴永懷在明德懷德  
不忍分離緒填胸臆夙秉文翁化仍被蚕叢國  
岷峨杳難攀巴渝深不測猿嘯饒悲風鴈問鮮  
迴翼歷歷想舊遊經過莫相憶

八公署登樓述懷

高樓坐長夏四望盡蒼山窮荒復愁緒溽暑增



鬱煩紛余自雲省秉鉞瘴海間徒然抱忠義何  
以格冥頑鄉心驚逝日壯志損頽頽眷彼林中  
鳥向晚倦飛還

食秀亭

孤亭矗巖際下見雙江流南山擁青翠雨霽煙  
嵐收蘿萋盤磴曲枕榔藹雲浮旌幢搖渡口絃  
管喧枝頭釀泉供獨酌採秀芬可羞無端鬱余  
思北均王天悠悠

奚囊齋蠹餘卷之三

奚囊齋蠹餘卷之四

七言古詩

結交行

在昔侈彈冠亦聞誇結綬同升雅見推竊位終  
貽詬齟齬韶濩入音諧大厦經營集衆材不然  
阿衡才美亦足矣吐哺握髮何爲哉君不見三  
亭謁者載范叔蔡澤翻能代張祿狗監微言奏  
子虛常何有客誰推轂連衡合從秦將儀片言  
出口成雄雌入關舌在不得逞邂逅舍人傾高



賞古來名行施後世青雲之士遙相麗當途不  
解引同心運命難逢偏易替君不見漢相封侯  
得意時奉給盡充開閣資故人布被飯脫粟安  
用平津富貴爲

石梁篇

我昔耽浪遊謁來興何劇咲振千仞衣醉著登  
山屐春日幽心成饑渴大江東畔尋仙迹剡溪  
經幾曲輕輕輶轉層谷躡水穿雲億萬重此地洞  
天標蓋竹蒼壁斜懸百人梁中天龍舞神龜伏  
銀河迸出石罅泉噴雪三飛瓊成霖霖曇花金碧  
俯潺湲方廣瓊臺縹緲間寒巖桐栢竦雙闕赤  
城霞起相迴還青蛇蜿蜒護聖瓜澗邊香飯漂  
胡麻已聞天帝開爲府復道空王闢作家蓬壺  
方丈眇難遇此去桃源應有路莓苔翠鎖石橋  
危神怡不覺超然度凌虛頓使萬緣輕潭底空  
明心共清啼猿唳鶴遠相應瑞草奇花亦有情  
情繁景會去逡巡人間甲子應千春歸途遍識  
經行處莫遣他時雲樹湮



送白德純之廣平

憶昔與君游結綬承明裏意氣凌雲霄功名薄  
朱紫一麾我領荒城符君持三尺越江涘南國  
方遺召伯棠監鹺更試帑文使蕭蕭風本正愁  
予頻勞車馬駐山廬十載飄蓬一回首青山白  
水聊相於春來湖上饒花鳥六橋煙靄蘭舟小  
千重蒼翠隱樓臺十里芳菲城郭遶逋仙不負  
北山靈長公公事湖中了驀道徵書 天上來  
三輔還資作傳才臘月柳枝潭可折離心且盡  
見塞上有鴻河有魚相思惟有尺素書

馬右使索題紅梅圖

君不見不見大庾之巔萬樹梅南枝北枝參差開又  
不見上苑同心將紫蒂紛紛競逐上春來淡粧  
披拂羅浮肆踈影橫斜孤山隈爲憐素質皎如  
雪却月凌風迥高潔誰遣天桃文杏顏氤氳薰  
染貞心徹換骨非關紫府丹應將酒暈敵春寒



紅霞影轉香偏遠玉笛聲殘色未乾我聞處世  
忌太潔獨醒何似知幾哲莫緣索咲浪相疑由  
來不改冰霜節薇垣上公調鼎臣鐵石肝膽南  
金身開芳懋實歲寒操飄飄逸思超風塵樹下  
看花未足娛駐却花神入畫圖物理天機常在  
眼有脚陽春到處敷

送晏東之還廬陽

燕山歲晚北風烈四牡駢駢犯冰雪年來猶自  
夢淮淝因君倍憶河橋別清直堂前民事餘城

南小艇蜀山車市有歌供讌賞心將憂樂寄  
閭閻別來君幾朝京國中廐駟駟雲錦色伯樂  
能空冀北群衛公秉德何淵塞爲想同遊今漸  
踈分符鳴珮振芳譽風塵荏苒憐雙鬢舊秩相  
逢君與余春近柳絲黃滿陌殷勤折贈休輕擲  
君還江北望江西我亦江南未歸客莫向清時  
問屈伸九天雨露萬方均賢勞不獨淹畿輔蚤  
晚丹書下紫宸

夢椿贈王尹汝和



寶婺靈椿幾百尺，畫溪之水沿東白。川岳祥鍾  
梁棟材，真心不讓南山栢。蒼枝翠葉何陰陰，翔  
鳥綴兔雲霞深。廊廟斧柯迥難及，時時林下聞  
芳馨。奄忽飄風侵密雨，東南半壁摧天柱。頻年  
鳳羽拂丹青，一夕龍鱗委黃土。風木由來屢孝  
思，瞻雲陟岵總堪悲。豈無花滿河陽縣，清夢偏  
歸隴上枝。

柳亭歌贈葉中翰

我聞柳亭之山崔魏不可攀，乃在新都之域牛  
斗間。烏聊直上松蘿杪，婺水遠近相迴還。坤德  
潛滋五沃土，帶雨和煙千萬樹。柔條密葉自依  
依，鳳伯攄河安足數。秘書舊業當林深，爲憐世  
德寄遐心。聽鶯御苑勞鄉夢，繫艇蘇堤思不禁。  
御苑蘇堤兩牽束，故山楊柳年年綠。大隱何妨  
金馬門，却咲先生歸去速。君不見見渤海公亭亭  
車蓋兆里中，又不見柳下惠門巷清陰滿人世。  
鳳池綸綍振前脩，不負當年培植計。山青青柳  
翳翳亭中之澤引無替。



題畫壽沈光祿

星精何處降云自蓬萊宮瑤池竊桃實跨鹿出  
雲中一從遊戲謫人世霞裾曾向金門曳不因  
柱下薄周官爲憶三山辭漢帝 帝里優游洛  
社英王竦麟盤樂太平菁華燦爛胸中趣錦鉏  
婆娑膝下榮紅顏無待還丹駐筭滿三千上海  
瀛

天雄陳倅話別

憶昨送君吹雪花今君送我花如霰風光回首

易寒暄世事浮雲成萬變漳河東下一帆飛戀  
闕懷鄉願不違別後相思幾千里看花對雪兩  
沾衣

仙姝行壽唐母

仙姝吹簫玉臺上翩翩彩鳳紛來往聲散氤氳  
五色霞神遊閭闔三千丈塵世浮沉總幻姿當  
年解佩向江涓司徒羽人舊真侶綺琴寶瑟鳴  
相宜階下亭亭丹桂樹楊芬吐華在雲路有隕  
恩波自九天紫誥龍章標異數鶴鬢朱顏耄耄



餘星冠霧縠瓊瑤裾麻姑座上麟爲脯西母筵  
前桃可茹茹桃擗脯金漿薦錦組爛熳舞衣絢  
穠花猶媚未闌春好鳥初調夏聲轉北堂萱草  
正鮮妍歲晚侵凌霜雪便中宵寶婺遙相映月  
裏嫦娥齊壽年

中秋李節推官舍對月時唐丞防秋易州

李倅捧表入 賀朱倅擁兵邯鄲余子櫟

還浙大北慨然有懷各賦月字

陰森栢影上踈簾起向中庭對玉蟾謫仙光照

金尊裏杜老杯乾自可添良宵莫遣坐超忽醉  
彈長鈇清歌發靜夜千家砧杵秋冰心一片天  
雄月

燕支木落風蕭蕭黃沙捲雲嘶馬驕胡兒驅逐  
古獫狁漢將武捷今嫖姚塞下專征親受鉞千  
里餽糧隨將卒東平國士信獨賢佳節淹留易  
水月

天王燕喜千秋節萬國衣冠八月來紫禁鐘聲  
三殿曉玉堦香燭九重開仙郎此際趨丹闕劍



佩鏘鏘候明發聞道清光萬里同何人共步金  
臺月

六郡良家武且賢霜戈雪鎧旌旗鮮一旅當關  
九邊震胡天萬里銷烽烟吳中范老富兵甲憂  
心點點侵華髮懷友應憐漳水雲娛情賸有邗

鄆月

澤國秋深風露清天香桂子飄山城爭訝嫦娥  
宮裏見翻疑玉兔輪中生洛陽年少人中傑傳  
得西河謫仙訣日丈高枝信手拈此時千里同

明月

雪夜柬王葛整

同雲油油海天低踈櫺皎潔晃輕闌平臨虛宇  
曠八極坐對冥茫混二儀撒鹽飛絮擬不定珠  
臺璐榭相參差山頭莫辨玲瓏石林落墜折瓊  
瑤枝寒郊苦憶賞心侶有美子猷江之涯郢中  
白雪待誰就何當爲我傾玉卮夜扉不掩正相  
迓試聽高人命棹師

贈別陳友琴



山人浪迹天之涯皮冠芒履冰雪姿青囊勝貯  
長生藥綠綺時調白雪詞仙蹤杳眇不可托滕  
上枯桐俯寥廓坐臨流水躍潛鱗復見高山下  
玄鶴玄鶴神魚亦有知防心誰解追皇羲生平  
雅致足相契逢人莫道知音稀知音稀古來惜  
無那清徽湖海隔新聲畚出遠別離悵望孤帆  
遠江碧

閩草圖

長安三月百花开公子王孫結隊來青驄宛轉

珊瑚鞵交螭雜組雲霞回尋常坐厭黃金席咲  
倩城南芳草陌陌上群芳麗且鮮嫩色柔香摠  
堪摘盈盈羅袖含春姿爭誇葉葉復枝枝遠攀  
有餘近不足彼也云多此稱奇金壘玉俎行相  
從瓊蘇琬液傾千鍾花枝爲壽鳥歌艷極歡恣  
謔情何濃情轉濃樂無極可那前山日西是年  
華不駐春欲歸忍令花草虛顏色君不見邊城  
白草高連天冑鏃從軍夜不眠黑雲烽火朝朝  
警言去年來春自妍吁嗟乎長安塞北正相倚



勞逸榮枯誰可憐

江淮道中

昨日淮陰城今日下邳道千里麥無秋三農去  
爲盜道傍老嫗髮如雪啼饑向人聲欲絕往歲  
征徭失所天今春濬河子歸穴東家持刃西入  
秦南憐放火村無人長安日遠不可訴官司何  
暇憐孤貧孤貧不見憐無復希生全腸斷不忍  
聽仰視蒼蒼天君不見見天山草衰北風烈崑崙  
月午胡兒獵樓蘭征戍怯腥羶多少蒸黎死講  
鞞聞道邊陲今古愁寧知征役同戈矛江淮南  
北稱喉舌肉食應慚爲國謀

漕河水

漕河水何湯湯浮汶踰濟通淮揚漕河水何屈  
曲奔洪瀉輝旋山谷東南財賦壯西北一歲千  
艘糧萬億䟽鑿神功仰昔賢惠濟元元裕邦國  
炎劉轉餉稱鄴侯唐興劉晏何多謀國脉河源  
與民力羸縮由來視通塞古云患寡患不均富  
國先湏民不貧君不見道傍高柳皆龍鱗行人



尚說平江陳

七月既望省長朱鳴霄讌集王氏第即席

賦此

新涼洒輕颺零雨滌煩燠曠軌眷休暇良宴敞  
華屋華屋縈紆貝闕邊雕甍珠箔相新鮮玉俎  
鱗鱗錯水陸長安美酒傾十千清言纏纏渾忘  
倦吳兒艷歌尤婉變傾耳皆能快賞心急管清  
絲未須展共言此日不常得人東西兮路南北  
披襟把袂誠須史玄鬢俄驚霜雪色酒易醒歡

欲歇短歌微吟當筵發五陵衣馬何繽紛趙孟  
金張緬淪沒且須游衍憑化遷到處春風與秋  
月

乙巳夏六月苦旱禱祠良久一夕獲大雨  
喜而有述

帝炎秉節鷄火棲彤彤徂暑臨赫曦山雲不蒸  
礎欲烈陽星載月畢不離源泉涸盡井斷汲平  
疇生烟禾日萎老農荷畚悲正切萬戶咨嗟氣  
欲結何人作牧獨酸辛兩岐合頽慙先哲縣子



徒屨不足論中山積新還自燔怒號把劍指赤  
魃含水擬效樊英噴忽聽一聲轟霹靂陽烏寢  
光流電拆油雲四起攪陰風龍翻山谷為川澤  
雲低却訝天乍頽雨急如聞廊屋摧階下汎瀾  
沒瑤砌田間豐浸枯芟回雨歇聲不止歡呼動  
閭里萬彙若更生何言田畯喜憶昔分符廬子  
國千里荒蕪無稼穡賜租仰荷漢皇仁發粟柰  
非長孺職僅延殘息逮茲辰憔悴未蘇饑泮臻  
安得陰陽順調燮國用克盈民不貧熙熙六合

歌同春

蒲石

青青者蒲傍白石心賞偏宜隱君宅中岳仙人  
不秘靈織女機頭誤相擲暗香和月倒金觥只  
尺烟霞座上生咲啜新英枕欹久世間何物能  
櫻情

明言

華燈萬點炎輝徹照乘隋珠夜光洩初霽陽烏  
秋半月百頃澄潭千里雪未若心瑩潔遍燭群



情明不滅

暗言

橫潦衝泥谷無隙古鑿蒙塵深院夕重巖沉山  
月不出黑霧崇朝蔽東白未若心暗塞幽隱無  
形莫探索

登金山

長江自昔雄百川萬里縱橫競東走噴薄日月  
馳風雷妖霧變幻蛟龍吼茫茫元氣相迴合中  
流一柱標坤厚斜衝直搥迥不移部領群峯鎮

京口乍登恍入蓬萊宮紛紛入境亦何有石壇  
寶殿盤七層飛旌挂席臨四牖松間午梵落中  
天絕頂孤亭摘星斗生平幽意旣自愜塵心翻  
覺歸休後坐看寒暄墜晚霞扣舷欲去仍延首

瓜洲行

瓜洲古鎮大江首一道通津接京口千門萬戶  
迎送人綠樹青旗喚酤酒府縣遙臨勢難及巡  
司坐鎮專捕緝何處衰年刀筆餘擅威專利空  
閭閻平明縱金復擊鼓階下弓兵盡狼虎須臾



訟牒滿庭除鞭朴喧囂恣喜怒公子攔街慣橫  
索齒革盈筐錢滿橐獲賊無贓底足憂喪羊翻  
得奪之牛屠狗被逮漫稱枉共入囹圄聽查訪  
囹圄男婦何其多無錢不釋可奈何亭午何緣  
吏事清笙歌傀儡呈前楹昨宵置酒餞鄉使今  
日當筵試新戲妻孥背擁孫滿前醉後那知天  
與地嗟嗟瓜洲之民萬姓終年事辛苦贏得巡  
檢揮金如糞土此徒當事每如然糞土脂膏真  
可憐已知黜陟在今歲安得新官不似前

春鶯歌戲東清七弟

翩翩好鳥出幽谷音吐簫韶衣金縠江南三月  
正繁華恰恰飛鳴向喬木枝頭一轉銷人魂絲  
竹喧喧祇足論百舌無聲鸚鵡死鸚鵡含羞不  
敢言多情少年禁不得張羅挾彈欣相值花塢  
時拋織錦梭草堂新展窺簾翼小山低戶水明  
樓顧影聞歌勸復酬人生幾何行樂耳眼前富  
貴雲同浮緘書撩我中心好自憐浪跡牽高抱  
春風苦憶石湖西歸來莫遣鶯啼老



春歸詞

憶昨驅車入函谷東風乍轉寒  
厓燠桃林隱隱未舒紅  
𪔑湖渺渺初浮綠二月長安不見花  
九衢煙樹飛塵砂長樂門前見青草  
却訝今年春信早灞橋驛路出新豐  
驪山渭水秦關通太華只尺不可上  
三鋒仙掌紛嵒巖日日東郊復西  
陽臺臣亦有逢迎責嘗聞此地可長生  
媿殺道傍名利客關河回首綠陰稠  
欲覓殘紅逐水流  
嗚鴛老去不堪聽出簾小燕聲啁啁  
懷春擬向春留戀到得春來忙裏占  
苻苒春光應笑人莫怨春歸疾於箭

驪山溫泉

驪山高出雲溫泉煖欲沸草樹蒙茸藹不分  
似烟非霧浮陰氣老君祠古寶臺空惟道周  
褒與唐貴漁陽鞞鼓大戎兵山鳴泉咽同  
獻歛

種竹

川上青青竹移來植山麓  
陡覺風敲鐘磬音何必鍾龍生  
嶰谷踈秀媿娟盡可人傾蓋相從意



熊真風霜閱歷歲復歲玉質冰姿曼出塵

關中送孔左使之河南

憶昔星臨浙水湄開閣殷勤坐翠虛撲人桃李  
盈欄檻四壁輝光圖與書相逢詎意投心賞馨  
歎紛紛振清響猶聞於越注行思瓊瑤貽我桐  
江上新豐斗酒青門樓十年笑共三秦遊傳經  
未遂關尹願驪歌已促離人憂悵離憂兮駐仙  
幘悠悠我思隨君遠潼津河畔柳新青太華峰  
西日云晚黃河東去出三門縈廻伊洛到梁園

水底鯉魚應唯唯尺素傳來是聖言

聞文甫轉官馳報

秦中歲晚饒冰雪峽裏凝寒行旅絕何方飛騎  
突重關云是金門傳玉節移鎮東南願不違兩  
都文物覩光輝到處齊聲相慶慰有人私恨失  
歸依

江南行

江南東接滄溟杳海上逋逃恣椎剽鯨鯢鼓浪  
吹醒風巨艦輕舸疾於鳥雲間姑孰鞠作窩茗



溪震澤連嘉禾窮搜席捲不盡意厭弃絲枲輕  
綺羅黃金映日珠照夜青蚨白粲何其多老稚  
紛紛轉溝塹壯者髡跣稱真倭南粵從征誇毒  
弩長竿短劔來齊魯烏合魚麗如雲屯吳甯越  
隸同編伍陸斷浮梁水繫舟里社分營接江滸  
幃幄將軍計萬全通夕烽煙盡殍虜吁嗟乎占  
來樂地翻成苦城郭春生鼓角哀鄉村夜泣精  
魂雨紅塵一騎捷書飛歸來三錫頒天府

出京贈陶使君

使君家世稽山下余亦悠然湖上社不肯狂吟  
山水間同爲遷客淹邛雅錦江春色亦紛紛塵  
囂雜還無朝昏鳥蹄猿嘯兩愁絕相逢祇憶林  
中園高山無雲水無滓與君懷抱元如此年來  
未敢向人開結綬長安見天子西經蜀道古  
云難萬戶千門迥復寒何意入門仍萬里宣室  
不詔空長嘆清秋白日懸高曠共荷照臨恩浩  
蕩君之百粵我七閩蹉跎莫減初心壯秉憲叅  
藩總重臣且須努力答君親商山渭水亦皓首



寧獨風塵老得人

送靳左使奏績

青門垂柳迎地陰上有伯勞遺之音思歸已落  
芳春後况乃離緒牽人心薇垣鉅儒東魯客茂  
績滂洋聲藉藉著書何意擅文林踔行翻憎邁  
今昔聊將螟螺等功名懷恬茹素含真精不緣  
歔歔探幽寂神爽飄飄薄太清行看奏最承明  
裏雉膏終自充黃耳和調元化飫八埏故人在  
遠猶在邇

贈田憲使夢鶴

有鳥翩翩奮長翮玄裳縞衣雙頰赤上薄氤氳  
碧漢雲行棲蓬海飛仙宅乘軒祗覺厭人寰入  
帳虛疑丹九還聖皇御曆宣和氣瑞世聊同鸞  
鳳班使君玉立何雄傑容與天衢等高潔神交  
忘爾復忘余警枕嘹嘹清唳徹



奚囊遺錄卷之四





